

## ЗООНОЗЫН ӨВЧИН СУДЛАЛЫН ТӨВИЙН 2017 ОНЫ САНХҮҮГИЙН ТАЙЛАН



### Аудитын тайлан

**Нэмэлт мэдээлэл авахыг  
хүсвэл дараах хаягаар  
харилцана уу:**

Баян-Өлгий аймгийн  
Аудитын газар

Тэргүүлэх аудитор  
М.Хуанган  
Утас:70422954  
Цахим хаяг:

Аудитын менежер:  
Х.Женисбек  
Утас: 70422930  
Цахим хаяг:

Ахлах аудитор: Х.Манаргүл  
Утас: 95429524  
Цахимхаяг:

**Хаяг:** Баян-Өлгий аймгийн  
Аудитынгазар

**Байршил:** Аймгийн ЗДТГ-  
ын байр, 1-р давхар

**Цахим хуудас:**  
[www.audit.mn](http://www.audit.mn)

**2018 оны 2 дугаар сар**

Хавсралт 1: Агуулга  
Хавсралт 2: Аудитын гэрчилгээ  
Хавсралт 3: Менежментийн захидал  
Хавсралт 4: Аудит хийсэн санхүүгийн тайлан  
Хавсралт 5: Төсвийн гүйцэтгэлийн тайлан

## АГУУЛГА

---

1. Аудит хийх хууль эрх зүйн үндэслэл
2. Байгууллагын хууль, эрх зүйн орчин
3. Байгууллагын зорилго, үйл ажиллагаа
4. Аудитын шалгуур үзүүлэлт, аудитын арга зүй, хэрэгжүүлсэн горим, хяналтын сорил болон нарийвчилсан горим, түүний үр дүн
5. Дотоод хяналт
6. Төсвийн орлого, зардлын гүйцэтгэл, түүний талаарх тайлбар
7. Шилэн дансны мэдээлэл
8. Олж тогтоосон гол эрсдэлүүд, түүний үр дагавар
9. Гол, онцлог гүйлгээний талаарх (тохиромжтой бол) тайлбар
10. Аудитаар илрүүлсэн гол зөрчлүүд, тэдгээрийг шийдвэрлэсэн талаар:
11. Материаллаг бус залруулагдаагүй алдаануудын талаарх тайлбар:
12. Анхаарал татахуйц бусад чухал асуудал
13. Дараагийн аудитаар авч үзэх асуудлууд
14. Санхүүгийн тайланд хийсэн аудитаар илэрсэн зөрчлийн нэгтгэл
15. Өмнөх зөвлөмжийн хэрэгжилт
16. Зөвлөмж
17. Аудитын гэрчилгээний тохирох загварын талаарх дүгнэлт

### **Аудит хийх хууль эрх зүйн үндэслэл:**

Төсвийн тухай хуулийн 8.9.1, Төрийн аудитын тухай хуулийн 15.2.1 дэх заалтыг үндэслэн Төрийн аудитын тухай хуулийн 18.2-т заасан аймаг дах Төрийн аудитын газрын бүрэн эрхийн хүрээнд Зоонозын өвчин судлалын төвийн 2017 оны 12 дугаар сарын 31-ний өдрөөр дуусвар болсон жилийн эцсийн санхүүгийн тайланд аудит хийлээ.

Аудитыг Төсвийн тухай, Төрийн аудитын тухай, Нягтлан бодох бүртгэлийн тухай хуулиуд болон холбогдох бусад хууль, тогтоомжийн хүрээнд Аудитын олон улсын стандартын зарчмуудад нийцүүлэн төлөвлөлтийн шатанд боловсруулсан төлөвлөгөө, хөтөлбөрийн дагуу явуулав.

Зоонозын өвчин судлалын төвийн 2017 оны санхүүгийн тайлан Нягтлан бодох бүртгэлийн тухай хууль болон Улсын секторын нягтлан бодох бүртгэлийн Олон улсын стандарт /УСНББОУС/, түүнд нийцүүлэн гаргасан улсын төсвийн байгууллагын нягтлан бодох бүртгэлийн бодлого, заавар, журмын дагуу үнэн зөв, шударга илэрхийлэгдсэн эсэхэд дүгнэлт өгөх нь энэхүү аудитын зорилт байв.

Төсвийн захирагч санхүүгийн тайлангаа УСНББОУС, түүнд нийцүүлсэн Сангийн сайдын холбогдох журмууд, төсвийн байгууллагын нягтлан бодох бүртгэлийн бодлого, програм хангамжийн дагуу үнэн зөв, бодитой бэлтгэх үүрэгтэй.

Тухайн санхүүгийн тайлан Нягтлан бодох бүртгэлийн тухай хууль, нягтлан бодох бүртгэлийн нийтээр хүлээн зөвшөөрсөн зарчмууд, УСНББОУС-тай нийцүүлж материаллаг алдаагүй, үнэн зөв, шударга илэрхийлэгдсэн эсэхэд дүгнэлт өгөх нь Төрийн аудитын байгууллагын үүрэг юм.

Зоонозын өвчин судлалын төвийн 2017 оны санхүүгийн тайлангийн аудитыг 2018 оны 1 дүгээр сарын 18-наас 1 дүгээр сарын 30-ны хооронд хийхээр төлөвлөн, Баян-Өлгий аймаг дах Төрийн аудитын газрын аудитор Х.Манаргүл хэрэгжүүлэв. /ТАБ-СТА-А-9/

Зоонозын өвчин судлалын төв 2017 оны жилийн эцсийн санхүүгийн тайлан, төсвийн гүйцэтгэлийн тайлангаа аймаг дах Төрийн аудитын газарт 2018 оны 1 дүгээр сарын 24-ны өдрийн 07 тоот албан бичгээр ирүүлсэн.

Баян-Өлгий аймаг дах Төрийн аудитын газар аудитыг 2018 оны 1 дүгээр сарын 31-нээс 2 дугаар сарын 05-ны хооронд гүйцэтгэж, аудитын тайланг 2 дугаар сарын 09-нд эцэслэн баталгаажуулж, үйлчлүүлэгчийн удирдлагад хүргүүлэнэ.

### **Байгууллагын хууль, эрх зүйн орчин:**

Зоонозын өвчин судлалын төв нь Монгол улсын Төсвийн тухай тухай хууль, Төрийн болон орон нутгийн өмчийн тухай хууль, Нягтлан бодох бүртгэлийн тухай

хууль, Эрүүл мэндийн тухай хуулийн хүрээнд үйл ажиллагаа явуулж байна. Тайлант онд тухайн байгууллагын санхүүгийн үйл ажиллагаанд мөрддөг гол хууль, тогтоомж, түүнд нийцүүлэн гарсан журам, зааварт өөрчлөлт ороогүй байна.

### **Байгууллагын зорилго, үйл ажиллагаа:**

Монгол Улсын Эрүүл мэндийн тухай хуулийн 1-р зүйлд “Эрүүл мэндийн талаар төрөөс баримтлах бодлого, үндсэн зарчмыг тодорхойлж, иргэний эрүүл мэндээ хамгаалуулах, эрүүл мэндийн тусламж, үйлчилгээ авах эрхийг хангахад аж ахуйн нэгж, байгууллага, албан тушаалтан, иргэний гүйцэтгэх үүрэг, эрүүл мэндийн байгууллага, ажилтны үйл ажиллагаатай холбогдсон харилцааг зохицуулахад оршино” гэж энэ байгууллагын үйл ажиллагааны зорилтыг тодорхойлсон байна.

Дээрх зорилтыг хэрэгжүүлэхийн тулд Монгол Улсын Төсвийн тухай хуулийн 16 дугаар зүйлийн 16.1-д “Төсвийн байгууллага нь түүний үйл ажиллагааг үр ашигтай удирдлагаар хангаж, ажлын үр дүнг хариуцах үүрэг бүхий төсвийн шууд захирагчтай байна” гэж заасан байна.

Төсвийн тухай хуулийн 16 дугаар зүйлийн 16.4.18-д “Бусад төсвийн байгууллагын дарга тухайн байгууллагын төсвийн шууд захирагч байна” гэж заасны дагуу Зоонозын өвчин судлалын төвийн дарга Төсвийн захирагчийн үүргийг гүйцэтгэж байна. Зоонозын өвчин судлалын төвийн 2017 оны төсвийг ЭМСайдын төсвийн багцаас аймгийн төрийн сангаар дамжуулан олгосон байна.

Төсвийн шууд захирагчтай холбоотой хууль эрх зүйн баримт бичгийг судалсан бөгөөд байгууллагатай холбоотой Төсвийн тухай хууль, Нягтлан бодох бүртгэлийн тухай хууль, төрийн болон орон нутгийн өмчийн тухай хуулиудыг хэрэгжүүлэн ажиллаж байна.

Зоонозын өвчин судлалын төвийн үйл ажиллагааны талаар төлөвлөлтийн шатанд ТАБ-СТА-А-1 маягтад тодорхой тусгасан.

### **Аудитын шалгуур үзүүлэлт, аудитын арга зүй, хэрэгжүүлсэн горим, хяналтын сорил болон нарийвчилсан горим, түүний үр дүн:**

Аудит хийхэд Нягтлан бодох бүртгэлийн нийтээр хүлээн зөвшөөрсөн зарчмууд, УСНББОУС, Нягтлан бодох бүртгэлийн тухай хуулийг шалгуур болгон ашиглав.

Аудитаар Зоонозын өвчин судлалын төвийн 2017 оны санхүүгийн тайланд дүгнэлт өгөх үүднээс төсвийн захирагчийн удирдлагын бэлтгэсэн санхүүгийн тайлан нь материаллаг хэмжээний алдаатай илэрхийлэгдээгүй гэсэн үндэслэлтэй нотолгоо олж авахын тулд төсвийн дансдын уламжлалт эрсдэл болон хяналтын эрсдэлийг тогтоон тухайн байгууллагын зүгээс тавьж буй дотоод хяналтыг үнэлж баримтжууллаа. /ТАБ-СТА-А-5/

Санхүүгийн тайланг бэлтгэн гаргахад баримталсан бодлого, зарчмуудыг үнэлж, зарим гүйлгээ ихтэй томоохон дансад түүвэрчилсэн байдлаар аудитын 5 чиглэлээр 9 эрсдэлтэй асуудалд 20 горим, сорил хэрэгжүүлж, түүний үр дүнг баримтжуулав. /ТАБ-СТА-В-3/

Тухайн байгууллагын нягтлан бодох бүртгэлийн бодлого, системтэй танилцахад аймгийн Зоонозын өвчин судлалын төв нь ЭМЯ-наас баталсан эрүүл мэндийн салбарын нягтлан бодох бүртгэлийн бодлогын баримт бичгийг санхүүгийн үйл ажиллагаанд хэрэглэдэг байна.

Зоонозын өвчин судлалын төвийн санхүүгийн үйл ажиллагаанд ашиглагдаж байгаа компьютерийн системийн үйл ажиллагаатай асуулга явуулах аргаар танилцан түүний нарийн төвөгтэй байдлын үнэлгээг хийхэд “бага” буюу мэдээллийн технологийн мэргэжилтэнг оролцуулах шаардлагагүй гэсэн үнэлгээ авсан тул аудитыг шууд гүйцэтгэлээ. /ТАБ-СТА-В-2/

Зоонозын өвчин судлалын төвийн санхүүгийн тайлан, тодруулга, төсвийн гүйцэтгэлийн тайлан бэлтгэх, ажил гүйлгээг бүртгэх, хянах үйл ажиллагаанд санхүүгийн “Аколоус” програм хангамж ашиглажээ.

#### **Дотоод хяналт:**

Бид санхүүгийн тайланд материаллаг алдаа байхгүй гэдгийг нягтлах үүднээс дотоод хяналтыг шаардлагатай гэж үзсэн хэмжээгээр дахин хийсэн. Энэ нь материаллаг алдаа гарахаас хамгаалахын тулд жилийн турш үр нөлөөтэй ажиллах ёстой гол хяналтуудыг тодруулах, судлах зорилготой юм. Зоонозын өвчин судлалын төвийн дотоод хяналт эрсдэлийг төлөвлөлтийн үед “бага” гэж тооцсон ба дахин хянахад дотоод хяналт хэвийн байна.

#### **Төсвийн орлого, зардлын гүйцэтгэл, түүний талаарх тайлбар:**

2017 оны батлагдсан төсвийг сар, улирлын хуваарийн дагуу ЭМЯСайдын төсвийн багцаас аймгийн төрийн сангийн харилцах дансаар дамжуулан санхүүжүүлснээс гадна төсвийн хүрээний мэдэгдлийг боловсруулах, төсвийн санхүүжилтийн гүйцэтгэлийг хангах, төсвийг зардлын төрөл зүйлээр хуваарилан гүйцэтгэлд хяналт тавин ажилласан .

Зоонозын өвчин судлалын төвд 2017 онд 259,0 сая төгрөгийн батлагдсан төсвөөр үйл ажиллагаа явуулсан байна. Гүйцэтгэлээр улсын төсвөөс 259,0 сая төгрөгийн санхүүжилт авч, 258,6 сая төгрөгийн зарлага санхүүжилт хийгдэж, батлагдсан төсвөөс 0,4 сая төгрөгийг улсын төсөвт төвлөрүүлжээ.

Нийт төсвийн 86,7 хувийг ажиллагсадтай холбоотой зардал, 1,8 хувийг тогтмол зардал, 2,2 хувийг хангамж бараа материалын зардал, 1,7 хувийг норматив зардал, 0,6 хувийг томилолтын зардал, 0,7 хувийг бусдаар

гүйцэтгүүлсэн ажил үйлчилгээний төлбөр, 3,1 хувийг урсгал шилжүүлэг, 3,2 хувийг бусад зардал эзэлж байна.

Зоонозын өвчин судлалын төвийн бүтэц орон нийт орон тооны хязгаарыг 27 аар баталсан ба, гүйцэтгэлээр 29 орон тоо ажиллуулсан байна. Энэ нь улирлын чанартай ажилладаг 2 галчыг гэрээтээр цалингийн сандаа багтааж авч ажиллуулж байгаатай холбоотой.

### **Шилэн дансны мэдээлэл**

Зоонозын өвчин судлалын төвийн Шилэн дансны тухай хуулийн 6 дугаар зүйлд заасан мэдээллийг өөрийн цахим хуудсаар дамжуулан тухай бүр ил тод мэдээлж байх үүрэгтэй. Тус байгууллагын Шилэн дансны хуулиар хүлээсэн үүргийн биелэлтийг төлөвлөсөн хэмжээнд хянаж, баримтжуулсан болно.

Шилэн дансны хуультай холбоотой байж болох эрсдэлийн хүчин зүйлсийг судлах явцад эрсдэлтэй асуудал тогтоогдоогүй.

Шилэн дансны тухай хуулийн дагуу төсвийн хөрөнгийг үр ашигтай захиран зарцуулах зорилгоор төсвийн удирлагын шийдвэр, үйл ажиллагаа ил тод, нээлттэй, ойлгомжтой байх, түүнд олон нийт хяналт тавих мэдээллийн тогтолцоог хуулийн дагуу хангаж ажиллах зорилгоор Зоонозын өвчин судлалын төвийн 2017 оны батлагдсан төсвийг shilendans.gov.mn вэб сайтад байршуулсан байна. Төсвийн талаарх мэдээллийг байгууллагын самбарт байршуулжээ.

ҮАГ-ын аудитын нэгдсэн төлөвлөгөөгөөр 2017 онд Шилэн дансны тухай хуулийн хэрэгжилтэнд хийсэн нийцлийн аудитаар тус байгууллага шилэн дансны тухай хуулийн 4.1.3, 6.1.2, 6.1.3, 6.1.4, 6.1.5, 6.1.6, 6.4.5-т заасан заалтуудыг зөрчсөн 227,3 сая төгрөгийн зөрчлийг арилгуулах албан шаардлага өгч биелэлтийг 2017.12.15 №74 тоот албан тоотой авч хангуулсан.

2017 оны 10-12 дугаар саруудын шилэн дансны мэдээллийг аудиторын зүгээс шалгаж Shilen dans-SHSHGA файлаар баримтжуулж, тайлантай хамт ажлын талбарт хавсаргав.

### **Олж тогтоосон гол эрсдэлүүд, түүний үр дагавар:**

Аудитын төлөвлөгөөний дагуу аудитын 9 эрсдлийг тогтоож, батламж мэдэгдлүүдийн хүрээнд данс бүрээр нийт 20 нарийвчилсан горим, сорил гүйцэтгэв.

Үр дагаварыг тодорхойлж чадвал: Санхүүгийн тайлангийн аудитаар алдаа зөрчил илрээгүй.

### **Гол, онцлог гүйлгээний талаарх (тохиромжтой бол) тайлбар:**

Зоонозын өвчин судлалын төвийн 2017 оны санхүүгийн тайлан материаллаг хэмжээний алдаатай илэрхийлэгдээгүй гэдгийг, түүнийг бэлтгэн

гаргахад баримталсан бодлого, зарчмуудыг үнэлж, аудитын явцад санхүүгийн тайланд нөлөөлөхүйц хэмжээний орлого, санхүүжилт, мөнгөн хөрөнгө, бараа материал, үндсэн хөрөнгө, цалин, НДШимтгэл, ХХОАТ, түлш халаалт, тээвэр шатахуун, нэг удаагийн тэтгэмж, урамшууллын зардал зэрэг дансанд ажил гүйлгээ, үлдэгдэл, тооцооллуудыг түүвэрчлэн нарийвчилсан горим, сорилын аргаар шалгалаа.

### **Аудитаар илрүүлсэн гол зөрчлүүд, тэдгээрийг шийдвэрлэсэн талаар:**

Санхүүгийн тайлангийн аудитаар хөндөгдсөн гол асуудлуудыг дараах заалтад хураангуйлан тэмдэглэв. Аудитын явцад нягтлан бодох бүртгэл, тайлагналтай холбоотой материаллаг дараах алдаа илэрсэн байна. Үүнд:

- Аймгийн Татварын хэлтэст тооцооноос илүү шилжүүлсэн 328,4 мянган төгрөгийн ХХОАТ-ыг тайланд авлагаар бүртгээгүй байна.

Энэ нь Төсвийн тухай хуулийн 16.5.7-д заасан “Байгууллагын санхүүгийн болон бусад тайлан мэдээг үнэн зөв гаргах”, Сангийн сайдын 2006 оны 388 дугаар тушаалаар батлагдсан “Төсөвт байгууллагад мөрдөх нягтлан бодох бүртгэлийн дансны заавар”-ыг хэрэгжүүлж ажиллаагүй байна.

**Шийдвэрлэсэн:** *Дээрхи алдаа зөрчлийг 2018 оны ХХОАТ-ын тооцоонд оруулж, эхний хагас жилийн санхүүгийн тайлангаар залруулах зөвлөмж өгөв.*

Аудитаар материаллаг бус дараах алдаа, зөрчил илрэв. Үүнд:

- Тайлант онд ажилчдад олгосон 7339.5 мянган төгрөгийн унаа, хоолны мөнгөнөөс хувь хүний орлогын албан татвар суутгахдаа нийгмийн даатгал хассан дүнгээс тооцон 733.95 мянган төгрөгийн татварыг дутуу тайлагнасан байна.

**Шийдвэрлэсэн:** ХХОАТ-ын хуулийн 15.1.3-т "бэлнээр олгосон хоолны мөнгө, түүнчлэн үзвэр үйлчилгээний олговор заасны дагуу шууд бус орлогод хамаарах орлого бөгөөд уг хуулийн 22.1.4-д шууд бус орлогод ноогдуулах албан татварыг тухайн орлогын дүнгээр ноогдуулна" гэж заасныг ажиллах талаар зөвлөмж өгөв.

- 2016 оны жилийн эцсийн санхүүгийн тайланг үнэн зөв гаргаагүй жилийн эцсийн санхүүгийн тайлан баталгаажаагүй ба аймгийн Аудитын газраас татгалзах дүгнэлт өгсөн. Өмнөх оны шатахууны тооцоонд 1163676 төгрөг, Татварын хэлтэст 1031597 төгрөгийн өглөгийг шилжүүлсэн.

- Шүүхийн шийдвэрээр ня-бо Б.Бауыржаны ажилгүй байсан хугацааны 11 сард ноогдох цалинд 6587,7 мянган төгрөг олгохоор шийдвэрлэсэний дагуу 12 сард 458,2 мянган төгрөг цалин олгосон.

### **Залруулагдаагүй алдаануудын талаарх тайлбар:**

Аудитын явцад залруулагдаагүй алдаа зөрчил байхгүй.

**Анхаарал татахуйц бусад чухал асуудал:**

Байхгүй.

**Дараагийн аудитаар авч үзэх асуудлууд:**

Дараагийн аудитаар авч үзэх буюу анхаарал татахуйц бусад чухал асуудал илрээгүй.

**Санхүүгийн тайланд хийсэн аудитаар илэрсэн зөрчлийн нэгтгэл:**

Аудитаар илэрсэн алдаа, зөрчлийн маягтаар нэгтгэв.

**Өмнөх зөвлөмжийн хэрэгжилт:**

Өмнөх санхүүгийн тайлангийн аудитаар тус байгууллагын санхүүгийн тайланд нэг заалт бүхий зөвлөмж өгөгдөж биелэлтийг хангаж ажилласан байна

**Зөрчилгүй санал дүгнэлт**

Зоонозын өвчин судлалын төвийн 2017 оны 12 дугаар сарын 31-ний өдрөөрх санхүүгийн байдал, санхүүгийн үр дүн, цэвэр хөрөнгө/ өмчийн өөрчлөлт, мөнгөн гүйлгээ болон төсвийн гүйцэтгэлийн тайланг материаллаг зүйлсийн хувьд Төсвийн тухай хууль, Нягтлан бодох бүртгэлийн тухай хууль, УСНББОУС-д нийцүүлж, Сангийн сайдын баталсан бодлого, журам, зааврын дагуу үнэн, бодитой, шударга илэрхийлсэн тул зөрчилгүй санал дүгнэлт гаргаж байна.

Аудитлагдсан санхүүгийн тайлан ... хуудас, менежментийн захидал ... хуудас хавсаргав.

**АУДИТЫН ТАЙЛАНГ:**

ХЯНАСАН:  
ДАРГА, ТЭРГҮҮЛЭХ АУДИТОР

М.ХУАНГАН  
Огноо: 2018.02.15

АУДИТЫН МЕНЕЖЕР

Х.ЖЕНИСБЕК  
Огноо: 2018.02.15

БЭЛТГЭСЭН: АХЛАХ АУДИТОР

Х.МАНАРГҮЛ  
Огноо: 2018.02.14